

TITARTAANERMIK UNAMMISITSINEQ



Sammisaq:
Siunissaq, arlaannaalluunniit imigassamit aalakoornartortalimmit ajoquserneqarsimangitsoq

Siunissaq toqqissisimanarlunilu peqqinnartooq ilinnut qanoq ittuussava?

Titartaanermik unammisitsinermut peqataagit, angorusutattullu takorluukkat takutillugu. Meeqqat inuusuttuaqqallu 1. klassiniit 10. klassit tikillugit atuartut tamarmik klasseqatigiullutik peqataasinnaapput.

Atuaqatigiiaani tamani ajugaasut ataatsit

Atuaqatigiiaat I – 1.-3. klassit

Atuaqatigiiaat II – 4.-7. klassit

Atuaqatigiiaat III – 8.-10. klassit

Ilinniartitsisut peqatigalugu aallartiinnarianguarit!

**TUNNIUSSINISSAMUT KILLIGITITAASOQ:
24. JANUAARI 2025**

Ajugaasut ulloq 1.februaari 2025 nalunaarfigineqassapput.

Isumassarsiavit takunissaa qilanaarivarput! Titartaalluarina!



**UGGUUNA
PEQATAAGITS!**

ILINNIARTITSISUNUT PAASISSUTISSAQ

Siunissaq, arlaannaalluunniit imigassamit aalakoornartortalimmit ajoquserneqarsimangitsoq – Meeqqanit isigalugu

Imigassap aalakoornartortallip tamatta sunnertarpaatigut – imigassamik aalakoornartortalimmit imertartut kisiisa pinnagit, aammali meeqqat, ilaqutariit aamma inuiaqatigiit ataatsimut isigalugit.

Titartaanermik unammisitsinermut matumunnga siunertarinqartoq tassaavoq, meeqqat siunissamik, arlaannaannulluunniit imigassamit aalakoornartortalimmit ajoquserfiunngitsumik eqqarsaatersorlutillu takorluisinnissaat. Imigassap aalakoornartortallip kingunerisartagai, aamma siunissamik toqqissisimanartumik pilersitsinissamut periarfissat pillugit meeqqat titartagaat aqqutigalugit oqaloqatigiittarnerit siusarneqarnissaat kissaatigivarput.

Unammisitsineq atorlugu ilinniartitsisut atuartuutitik peqatigalugit imigassap aalakoornartortallip oqaluuseriseralugu aallartitsinnissaanik peqatiserivagut. Tamanna tapersersorniarlugu atuartitsinermut atortussanik akeqanngitsunik neqerooruteqarpugut:

1. Filmeeraliat:

- *Imigassap aalakoornartortallip Kalaallit Nunaanni oqaluttuassartaa*
- *Imigassaq aalakoornartortalik pillugu meeqqat oqariartuutaat*

2. Klasseqatigiit oqallinnissaannut oqaloqatigiinnermut atortussat:

Imigassap aalakoornartortallip inunnut ataasiakkaanut aamma inuiaqatigiinnut qanoq sunniuteqarsinnaanera pillugu oqaloqatigiinnermut filmemeeqqat tunngavittut atorsigit. Tamanna ataatsimoorneq, akisussaaffeqarneq aamma peqqinneq pillugit oqallinnissamut periarfissaasinnaavoq. Klassimi meeqqat arlaat sammisamit sunnertissagaluarpata, aamma inersimasumik toqqissisimanartumik oqaloqateqarnissaminnik pisariaqartitsillutik malitseqartitsinnaanissaq siunertaralugu atuarfiup isumaginninnikkut siunnersortaa/siunnersortaa isumaqatigiissusiorfigeereersinnaavarsi.

Titartaalluni unammisitsinermut peqataaneq

1. klassiniit 10. klasse tikillugu atuartut tamarmik anguniagassatut takorluukkaminik titartaaqqullugit kaammattorneqarput. Titartagaat klasseqatigiinni suliatut nassiunneqassapput. Isumassarsiap aamma pinngorartitsisinnaanikkut suliarineqarnerat pingaartillugit naliliisartunit isiginiarneqassapput. Neriuppugut peqataassasusi, aammalu siunissamik, arlaannaalluunniit imigassamit aalakoornartortalimmit ajoquserneqannginnissaanik pilersitsinissamut tapertaallusi.

Akissarsiassat

Atuaqatigiiaani tamani ajugaasunik toqqaasoqassaaq. Akissarsiassat 3.000 DKK-t klasseqatigiinnut atugassat tunniunneqassapput.

**UGGUUNA
PEQATAAGITS!**



Titartakkanik nassitsinissamut killiliussaq tassaavoq ulloq 24. januaari 2025.

Ajugaasut ulloq 1.februaari 2025 ilisimatinneqassapput.

Pisinnaatitaaffiit: Unammisitsinermut peqataanikkut titartakkat unammisitsinermit suleqataasunit tamanit tamakkiisumik atorneqarsinnaanerannik akuersineruvoq.

Unammisitsineq Peqqissutsimut Naalakkersuisoqarfimmit, Innuttaasut Peqqissusiannik Ilisimatusarfimmit, Paarisamit, WHO Europamit aamma UNICEF Kalaallit Nunaannit aqqissuunneqarpoq.